



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓՈԽՎԱՐՉԱՊԵՏ

Ո Ր Ո Շ ՈՒ Մ

N 550 - Ա

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓՈԽՎԱՐՉԱՊԵՏԻ 2022 ԹՎԱԿԱՆԻ ՀՈԿՏԵՄԲԵՐԻ 31-Ի N 780-Ա ՈՐՈՇՄԱՆ ՄԵՋ ԼՐԱՑՈՒՄ ԿԱՏԱՐԵԼՈՒ ԵՎ ՆՈՒՅՆ ՈՐՈՇՄԱՄԲ ՀԱՍՏԱՏՎԱԾ ԾՐԱԳՐԻՆ ՀԱՐԱԿԻՑ ԳՈՐԾԱՐՔԻ ՄԱՍԻՆ

Համաձայն «Նորմատիվ իրավական ակտերի մասին» օրենքի 34-րդ հոդվածի 1-ին մասի և «Բարեգործության մասին» օրենքի 13-րդ հոդվածի 2-րդ մասի 3-րդ կետի՝

1. Հայաստանի Հանրապետության փոխվարչապետի 2022 թվականի հոկտեմբերի 31-ի «Բժիշկներ առանց սահմանների» (Շվեյցարիա) միության հայաստանյան մասնաճյուղի կողմից իրականացվող «Հեպատիտ Յ-ի դեմ պայքարի պարզեցված մոդելի ներդրում Հայաստանում» ծրագրի մասին» N 780-Ա որոշման (այսուհետ՝ որոշում) հավելվածի 9-րդ և 10-րդ կետերի 1-ին ենթակետերում «ներմուծում» բառից առաջ լրացնել «ձեռքբերում կամ» բառերը:

2. Սահմանել, որ «Բժիշկներ առանց սահմանների» (Շվեյցարիա) միության հայաստանյան մասնաճյուղի (ՀՎՀՀ՝ 00248165) կողմից՝ «Թեոֆարմա Իմպորտ» ՍՊԸ-ի հետ (ՀՎՀՀ՝ 00471216) 2023 թվականի հուլիսի 4-ին կնքված N CT AM 120/2023/19 եռակողմ պայմանագրում նշված գործարքը, որով նախատեսվում է դեղորայքի մատակարարում՝ 19,560,000 դրամի չափով, առանց ավելացված արժեքի հարկի, անմիջականորեն կապված է որոշման 1-ին կետում նշված ծրագրի իրականացման հետ և դրա համար ունի զգալի նշանակություն:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՓՈԽՎԱՐՉԱՊԵՏ

Տ. ԽԱՉԱՏՐՅԱՆ

Երևան